



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Newe Predicanten Practica/ vnd Prognosticon**

**[Helmstedt], 1592**

**VD16 N 583**

Vom Fürwitz der Städt vnd gemeines Mans trutz.

**urn:nbn:de:hbz:466:1-35550**

Euangelio gemachsam gestiegen vnd thewer worden/  
es were dann / daß man sichs solchen Euangeli ab-  
thet / die Lügen Schmidt vnd prædicabilia abschafft/  
Frid vnd Einigkeit auffrichte / die menge vnd zal der  
verschwendter vnd vergüter geringert.

## Vom Fürwitz der Städt vnd gemeines Mans truck,

**D**ie Reichs vnd Freystedt (gar wenig auß-  
genommen / die einen ewigen Namen vnd  
Lob behalten) werden sich ob dem Euangeli  
fretzen / daß ihnen ein solchen namhaften Raub der  
Kirchen vnd Klöster güter zu spricht: Ihre Raths-  
personē / wans gleich nur Gräber vnd Tischer Sön-  
oder auch Kammerknechtlin gewesen / werden gelehr-  
ter vnd geistlicher seyn wollen / dann alle Patres vnd  
Doctores, werden doch ire grosse Esels Ohren selbst  
nicht sehen / man zeige sie ihnen dann in solchen Spie-  
geln. Predicanten werden sie sehen wie es ihnen ge-  
felt / vnd verordnen zu predigen was sie gut dencht /  
Kirchen vnd Rathhäuser zu gleich versehen / ihre  
Weltliche Freyheiten in das Geistlich mit Gewalt  
vnd wider recht extendiren wollen / Kirchenordnung  
vnd Agenden fürs schreiben / laut des Tittels / Neue  
Kirchen Ordnung / eins Erbaru Rath zu Schwein-  
furt / die Klöster einnehmen / Zeughäuser / Kornbö-  
den / Spiel vnd Spectackelhäuser vnd Zechstuben /

## Predicanten

(wie zur Newstadt an der Orla) drauß machen/ die Kirchhöff zu Lauff / Münster/ vnd Keñplätz ordini- ren. Von den Gütern manchen guten Schlamp hal- ten/ vnd sich fein satt darvon füllen/ vnd gem Teuffel feiste Braten ziehen/ die fabrica der Stifft vnd Klo- ster werdens auch zu sich bringen / die Dächer vnd Fenster dermassen darvon resarciren vnd flicken/ daß dannoch die Tauben vnd Spaken nehrlich noch auß vnd ein fliegen können.

## Von end vnd außgang aller solchen Sachen.

**W**ann solches nun ein zeitlang wehret/ so ste- het vns endlich zwen Außgang bevor / ent- weder wann wir buß thun/ werden alle sol- che Vbel abgeschafft werden/ vnd wirt widerumb ein Hirt vnd ein Stall werden/ vnd die Sündenzeit (au- reum seculum) widerkommen. Wann wir aber in Verstockung bleiben/ so wirt ein Türckische tyranni- sche Abgötterey erfolgen / wie in allen Morgenlan- den / in Egypten / Affrica vnd Græcia geschehen ist/ vnd albereit an etlichen Orten Teutscheslandes/ wo die Schulen abkommen / der Geistlichen hoffart/ stoltz vnd vntrew auffgenommen vnd grassirt/ die Barbaries gut anfang hat. Siehe Land vnd Volck an.

Euan.